

2 MA TESALONIKASE

Ọko Nyɔare Gọ I Paulo Ọtsere

Ọtã Ma Tesalonikase

¹ Mme Paulo gu Silvano gu Timoteo nto botsere ọko gogbe botã mi ma nde Bo ọse Ẹaa gu Bosate Yesu Kristo mare i Tesalonika.

² Bo ọse Ẹaa gu Bosate Yesu Kristo si matã mi isobue gu abualera.

Boto Ẹaa I Kukpa Sọ Mi Nsegbai Si Mikotegu Mi Ikpere.

³ Manyii, ipia sọ boape Ẹaa siba ọwi biara ala mi ọso. Ikote ngbọ alaso mi kafokade to kamọ fie mi kudọe gọ miba mitã so ana to kumọ.

⁴ Nnegbe ọso boto borọ mi iyere sẹe i mafodede nde ne. Bose bode mi ndamu botã mafodede ala kumegọ miye teteree fie miba ọle i kafokade ame atoa sọ mato makpẹgu mi fie mito miwe inye.

⁵ Nwagbe ọdudu to ite sọ Ẹaa atome idae xe tororo, fie ọto ọatã mi kasekõ i ọ sigarakadekõ ga ọso mito miwe inye.

⁶ Ẹaa to ọaye atome i ọri sẹe iso fie ọakpadze mma nto makpẹgu mi ọdudu kutsue.

⁷ Ọto ọatã sọ bo gu mi ọdudu ma lowe inye aana iwarã. Ẹaa to ọabara ara wagbe ku ọwi gọ i Bosate Yesu gu Ẹaa makpabo aadusi mabore i kudokpo i ọle gu ọto sinyagemi ame.

⁸ Maturi ma loise maware Ẹaa fie maifo Bosate Yesu Itome Bielea ne, ọakpadze ma kutsue.

⁹ Bosate to ñasa ma oboregu i ñ ano fie maibanya ñ ikpawai gu ole. Jawora ma gu ma nsegbai.

¹⁰ Ara wagbe to aaba ku iyi siare ne iso i Yesu aaledza iba. Iyi nemo iso ne, ñ mafodedze odudu to maasiai wũ mala maofa kayidu. Mi wũ mito miawe i ma nde alaso mifo ñ Itome Bielea ne bohere mi mide.

¹¹ Nnegbe oso boto bokparama kayi i mi iti owi biara ame ne. Botã Yaa iti so otã mi nsegbai si mikotegu nne oso makpere mi. Obuai mi, osu ñ siwarã opia mi ole so adzuni see wa miba so miabara kafokade karabara ne, iaba ngbo.

¹² Boto bokare ara wagbe botã mi so si iakole Bosate Yesu Kristo iyere kato ala mi oso. O wũ oto ñakole mi ayere kato ala Yaa gu Bosate Yesu Kristo nnyainyo oso.

2

Midaatã So Oturi Kuwẽ Aasoola Mi.

¹ Manyii, bobie so bohere mi sekelee i Bosate Yesu Kristo iledza iba gu bo ñ kore ikere iso.

² Si mino so Bosate ibayi nemo ooba ne, boito bobie so mikpokpoto xee minigã ala oko xee kanya idi xee itome o ne so bo loxe iso.

³ Midaatã kuwẽ si osoola mi i ori kuwẽ iso alaso Bosate Iyi iibaba gbogboggbo owi go i maturi gbdzoo aasẽ Yaa fie oturi lalaa go i Yaa aadi ote so jawora aaba toto.

⁴ Oto ñata oya ira biara ne mase masore gu Yaa iso i ori biara iso. Oto ñakole so kato ose ñase i Yaa isoreyo obara so so ñ ka nde Yaa.

⁵ Minyigi so owi go lopia i mi kore ne, loxere mi ara wagbe.

⁶ Yee ne, ole owe nto te ara wagbe ori ku kinio fie mi momo miye ole go ode. Yaa to adji oturi lalaa gomo ote i owi see iso.

⁷ Ara nyanyarfa wa mato mabara mawere ose karõ koko. Ara wa loaba ne, aibaba gbogbogbo owi go i Yaa adji ngo lote oturi lalaa gomo ori.

⁸ Ne kama ne, Yaa to adji oturi lalaa gomo ote. Iyo owi go i Bosate Yesu aaba ne, Jasu õ kanya ame owiri gu õ ifie otsuedza wu, owora wu pelepele.

⁹ Obosam to atã oturi lalaa gogbe ole osu obara mila akpari gu awawara agbaagba.

¹⁰ Oturi lalaa gogbe to asu kasola igba biara ososola mma loawo. Mato maawo alaso maifo Yaa itome ne loata ma ngba made.

¹¹ Ne oso Yaa to asu kasola siwarã atã ma so maifo sila made.

¹² Kawirikõ ne, Yaa to atã ma odudu ipo alaso maifo õ itome made, yee mawe isogo i akpi ibara ame.

Miya Teteree.

¹³ Yee ne, manyii, bose bope Yaa siba owi biara ala mi oso. Boye so ose ode mi gbaã alaso odi mi ta karõkasekõ so miana ngba. Osu Siwarã Bielea osekelera mi alaso mifo Itome Bielea mide oso.

¹⁴ Iki i bo Itome Bielea negbe iye ame ne, Yaa okpere mi so miaba miana iyere le kumego i Bosate Yesu Kristo ba iyere.

15 Ne ɔso ne, manyii, miya parataa si mimɔẽ atõme wa bote mi i bo ɔko go bɔtsere gu ara wa boɣere mi mila teteree.

16 Bosate Yesu Kristo gu bo ʎaa go loɔɔe bo i ɔ abualera ame si ɔtã bo katetere ga loise kafẽ gu oriinyo teteree,

17 si ɔtã mi ɔle, ɔpia mi ɔto i mi ikade gu kurabarara see ɔduɔu ame.

3

Minyigi So Miala Miɔkparama Kayi I Bo Iti.

1 Si loawiri ne, manyii, minyigi so miala miɔkparama kayi i bo iti so Bosate itõme aaki ikã kakõ biara ifo kuware le kumego mifo ne awe.

2 Mitã Bosate iti i bo iti so ɔadi bo ɔboregu i matilese gu makpibaradze nroõ ame alaso iide maturi ɔduɔu lofo ʎaa itõme made.

3 Bosate go nde nukuarese si ɔpia mi ɔle, ɔdzuẽ mi so Tsirise iibawo mi ɔde iso.

4 Bosate ɔso boba oriinyo i mi ame so mito miabara ara wa bote mi fie boɣe so miakelɛgu i katõ mibara mibua.

5 Bosate mɔmɔ si ɔbusi mi situ so miadɔe ʎaa, miya teteree i kanya kawẽ ame ku Kristo.

Miya I Karabara Iso.

6 Manyii, boka mi i Bosate Yesu Kristo iyere ame so mibese so midji i mafɔdedze dãdze ma loise i bo ara ite kanya iso.

7 Mi mɔmɔ miye kukaako so ikote so miabara karabara le kumego bobara ku ɔwi go bopia i mi kore, boibara ndã.

⁸ Boisu bo ato bosia i mi kuwẽ iso, ƷEE bobara karabara kasẽ i kakome so bo inyɔ iso iibakpese mi ato.

⁹ Boba ori so boasu bo ato bosia mi iso fie. ƷEE gɔ bobie so miasuã kumegɔ miasegu so, mibara karabara ne, boibara ngbo.

¹⁰ Mianyigi so ɔwi gɔ bopia i mi kɔre ne, boɣere mi so ngɔ loibabara karabara ne, ɔdaaɖe ara.

¹¹ Boto boɣere mi ara wagbe alaso bono so madãdze mawẽ pia i mi ndẽ maɣe ma manyii iso atõme.

¹² Bobie so ikpa maturi magbe sekelee i Bosate Yesu Kristo iyere ame so mase ngbã sɛɛ si masu ma nroõ mabara karabara si maana aɖera maɖe.

¹³ ƷEE mi ne, manyii midaatã nroõ si mifẽ mi i ira sɛɛ ibara ame.

¹⁴ Si orere iibasiai atõme wa boɣere mi i oko gogbe ame ne, misia wũ ikparĩ si mibese so i õ iso si kunuare si kukpẽ wũ.

¹⁵ Midaatsiri wũ, ƷEE mitã wũ kuka le mi ɔnyii awe.

So Imala Atõme.

¹⁶ Bosate mɔmɔ gɔ nse ɔtã isobue si ɔtã mi isobue i mi ngbã ɔɖuɖu ame i ori biara iso si ɔwegu mi ɔɖuɖu.

¹⁷ Mme Paulo mɔmɔ mme nto losia atõme tsɔra wagbe ikparĩ ala wũ kɔrɔ le kumegɔ lose lobara i wũ siko ɔɖuɖu dze lose lotsere ame.

¹⁸ Bosate Yesu Kristo si ɔmɔẽ mi ɔɖuɖu ɔla i õ abualera ame.

Siwu

Siwu: Ndamu Yεε Siwu New Testament

copyright © 2008 Wycliffe Bible Translators, Inc.

Language: Siwu

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source files dated 26 Apr 2025

b5020a1a-c7b9-512a-9b46-1e462be571d4